



4. september 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

### **Naalakkersuisunut apeqqutit:**

1. Inuusuttut, aamma innarluuteqartut imaluunniit immikkut pisariaqartitsisut 16-it 25-llu akornanni ukiullit suliffeqanngitsut ilinniakkamillu ingerlatsinngitsut, ullumikkut qanoq amerlatigippat?
2. Pineqartunut naalakkersuinikkut, taamalu inuiaqatigiinnit tamanit, ingerlaqqinnissaat siunertaralugu suliniutit suut ingerlanneqarpat?
  - a. Apeqqummi uani pineqanngillat naalakkersuisoqarfiit namminneq akunnerminni sunik suliniuteqarnersut, pineqarput sumiiffinni inuusuttut najugarisaanni suliniutit tigussaasut suunersut, aamma inuusuttut Majoriamut isersinnaanngitsut / aallartissimanngitsut eqqarsaatigalugit.
3. Suliniutit qanoq siunertaqarpat aamma suuppat, maannamullu inuusuttunut tigussaasunik qanoq angusaqartoqarsimava?
  - a. Suliniutit apeqqummi no. 1-imi pineqartunut ikileriartitsisimappat?
4. STU-tut<sup>1</sup> assingusumilluunniit ingerlatsilernissaq naalakkersuinikkut isumaliutaasimava, inuusuttut nalinginnaasunik ilinniartinnut isersinnaanngitsut immikkut pisariaqartitsinertik imaluunniit innarluuteqarnertik pissutigalugu STU-mi ilinnialernissaannut aqutissiuunneqarsinnaappat?

*(Inatsisartunut ilaasortaq Lars Poulsen, Siumut)*

### **Tunggavilersuut:**

Meeqqat atuarfianni immikkut atuartinneqartartorpassuit aningaasarpassuit atorlugit pisarput, meeqqallu atuarfiat qimaleraangamikku ataqatigiisumik pilersaarusoqatigisimanissaat pingaaruteqarpoq. Naammattumik aqutissiuunneqarsimannginnertik pissutigalugu amerlasuut ingerlariaqqittannginnerat naalakkersuinikkut ilisimaneqarpoq, apeqqullu taanna aamma inuiaqatigiinni oqaluuserineqartut ilagaat.

Inuusuttut qanorluunniit inissisimanerat apeqqutaatinnagu sulerinersut ilisimakannissallugu pingaarpoq, inuiaqatigiinniillu qanorlu sullinneqarnersut tamatumani qitiulluinnarpoq.

---

<sup>1</sup> <https://www.uvm.dk/saerligt-tilrettelagt-ungdomsuddannelse>



Nalinginnaasumik ilinniarfinnut isersinnaangitsut sulinngitsullu siunissami unamillernartorsiorsinnaanerit annertusiartortussaasoq qularnanngilaq. Inuiaqatigiinnut tamakkiisumik peqataanissaannut qulakkeerinnissalluta naalackersuinikkut annertuumik pisussaaffeqarpugut, aamma piginnaasaasa annertusarnissaat ilanngullugu.

Inuusuttut tamarmik naleqartinneqarnerusariaqarput. Imminut pilersorsinnaanerup aqutissiuunneqarnissaa, isumaqarluartumillu inuuneqarnissaat aqutissiuullugulu sinaakkusersortariaqaripput isumaqarama, apeqqutit uku saqqummiuppakka, aamma qularinnginnakku suliniuteqarnerunikkut sulisinnaasut inuiaqatigiinnullu tamakkiisumik peqataasut amerlisinnaasut.

Apeqqutigineqartut ullut suliffiusut qulit iluanni akeqquneqarput.